

Акафист
святому великомученику и целителю
Пантелеимону.



Акафист

святому великомученику и целителю

Пантелеимону

Кондак 1.

Избранный язычниками отцем твоим, врачом придворным и царем,/ искусно лечити болезнующих, Пантолеоне отроче,/ Избранником Врача врачей Господа/ чрез Ермолая, Его пресвитера,/ Пантелеимоном, безмездным целителем,/ стал еси такожде, и слышиши:/

Радуйся, целебниче благодатный,/ великомучениче преславный// и чудотворче Всемиловитый¹.

Икос 1.

Ангелов Божиих чин и человеков святых собор Еввулы, матери твоея праведныя приявши моле-

¹ Всемиловитый – по-гречески Пантелеимон.

ния, да по преставлении ея крещен и спасен будеши, Пантолеоне отроче, Господу возносили суть с радостию, свои молитвы прилагающе, да во веки возрадуешься:

Радуйся, матери христианки и отца язычника плоде богодарованный; радуйся, единый их сыне, иными не превзойденный. Радуйся, родителем твоим любящим послушливый; радуйся, девственно чистый и целомудренный. Радуйся, материю твоею назидаемый при ея жизни; радуйся, и по успении ея раннем в Раю вымоленный. Радуйся, сего ради Небу ближний; радуйся, земли родная твоя благословение. Радуйся, родительницу не забывавший; радуйся, родителя почитавший. Радуйся, поведением безупречный; радуйся, отличавшийся благодетелем.

Радуйся, целебниче благодатный,/ великомучениче преславный// и чудотворче Всемило-

ВЫЙ.

Кондак 2.

Видя людей немощных злострадания науке их врачевания асклепиевой, гиппократовой и галеновой прилежал еси со тщанием, лучшим никомидийским врачом Евфросином наставляемый, Пантолеоне отроче, Ермолаем же святым ко Христу обращаемый слышал еси:

Аллилуиа.

Икос 2.

Разумом пространен и высок без малаго уравнялся еси с учителем твоим, Пантолеоне отроче, и Максимиану царю представлен им, да врачом его по обучении полном станеши. Обаче и разум духовный стяжевал еси, душею благороден и сердцем чист о Христе радуяся:

Радуйся, по естеству даровитый; радуйся, таланты многия имущий. Радуйся, трудолюбиво

учившийся; радуйся, красноречивый, но скромный. Радуйся, Всеведущему Богу приятный; радуйся, замеченный праведным Ермолаем. Радуйся, постигавший искусство врачевания; радуйся, учению христианскому внимавший. Радуйся, в житии твоём имя Евфросина, никомидийскаго врача, на веки сохранивший; радуйся, успехами твоими в лечебной науке и его прославлявший. Радуйся, в юности зрелость ума явивший; радуйся, добросердечный и превозношения чуждый.

Радуйся, целebниче благодатный, / великомучениче преславный // и чудотворче Семилюбный.

Кондак 3.

Силою Иисусова Имени призывания Бытие Божие испытал еси, Пантолеоне отроче, обещаея, аще воскреснет отроч, ехидною ужаленный, а тая издохнет, веру прияти в Господа, сицевая творя-

щаго, и по исполнении дерзновеннаго твоего прошения воспел еси:

Аллилуиа.

Икос 3.

Имея свидетельство уверения в Господа, вся Создавшаго и обо всем Промышляющаго, священником Его Ермолаем в Троице Святей открываемаго и прославляемаго, к старцу сему, наставнику твоему притекл еси, да Крещения Таинства святаго сподобишися всерадостно:

Радуйся, во всяк день охотно вникавший в истины веры христианския; радуйся, наслаждавшийся тебе открываемым об Иисусе Сладчайшем. Радуйся, обетование Ермолаево о непрременном чудотворном действе Христа молитвеннаго призывания слышавший; радуйся, не любопытствуя, а сострадая внезапно умерщвленному змием отроку на деле сие применивший. Радуйся, тотчас услы-

шанный и уверовавший; радуйся, ехидну видимую и аспида невидимаго разторгший. Радуйся, на Крещение и по вере жителство вдохновленный; радуйся, от руки Ермолая, просвещавшаго тя, духовно рожденный. Радуйся, паки и паки не снадобиями, а Господу Иисусу Христу молитвами болезней избавлявший; радуйся, делами веры веру в себе и иных возгревавший. Радуйся, по опыту верою твоею чудотворивший; радуйся, и ныне по вере во Христа и тебя, создание Его, исцеляющий.

Радуйся, целебниче благодатный,/ великомучениче преславный// и чудотворче Всемиловитый.

Кондак 4.

Бури бегая недовольства и за Крещение мщения идолослужителей родителя твоего и лекаря учителя, седмидневное твое отдаление, Пантолеоне отроче, притчами прикровенными о назира-

нии за куплею ценною и за больным, Царем любимым, ухаживании до выздоровления, не солгав, премудро оправдал еси со отцем духовным пребывание и Господу благодарение пением:

Аллилуиа.

Икос 4.

Слушая со вниманием, умилением и усладою Евангельския чтения и ими назидаяся, гонения максимианова ради в тайных богослужениях пастыря добраго Ермолая для верных никомидийцев малаго стада благоговейно участвовал еси, Пантолеоне отроче, всегда о сем радуяся:

Радуйся, прежде Крещения твоего вере наученный; радуйся, слышавший слово Божие и исполнявший. Радуйся, по изречению Апостола языков подвигом добрым подвизавшийся; радуйся, Евангельскою доброю землею для сеяния Божия ставший. Радуйся, и сам молившийся непре-

станно; радуйся, и Богу служения общия возлюбивший. Радуйся, Таинствами церковными освящавшийся; радуйся, Христовых Таин причастниче. Радуйся, сокровенного сердца человека Сими оживотворявший; радуйся, присно и явно Сими укреплявшийся. Радуйся, в юности сретевший совершенного освященного старца; радуйся, совершенным учеником его бывший.

Радуйся, целебниче благодатный,/ великомучениче преславный// и чудотворче Всемиловитый.

Кондак 5.

Боготечно стремительно жизненный твой путь, Пантолеоне отроче, к матери на Небо от земли совершая, подлинным стал еси христианином, и вместо язычеству подражания твоему отцу, тебе и супруге покойной Еввуле следовати его расположил еси, поюще с вами:

Аллилуиа.

Икос 5.

Видя пришедшаго к тебе, Пантолеоне отроче, слепца, егоже Евфросин и прочия известныя врачи не возмогли суть излечити, при ужасающемся о сем Евсторгии отце твоём, зрящим незрящаго сотворил еси молитвою ко Господу точию, неизреченно сих обрадовав, и ими обрадован:

Радуйся, матери праведныя достойный сыне; радуйся, отчему идолопоклонству оказавшийся чуждым. Радуйся, молитвами обращенный в веру; радуйся, и сам просящий Господа о уверении неверных. Радуйся, глаголавший: «Спасителем виждь», – тобою прозревавшим; радуйся, с видением телесныма очима духовное видение и разумение им подававший. Радуйся, твоею верою во Христа Богу сослуживший; радуйся, по вере твоей несумненной помощь Христову низпосылавший.

Радуйся, пред Господом Иисусом печаловавшийся за скорбящих; радуйся, Царя Небеснаго благодарящий, Утешителя обремененных и труждающихся. Радуйся, испрашивающий живота продолжение безвременно умирающим; радуйся, ходатайствующий о блаженной жизни преселившимся в Вечность.

Радуйся, целебниче благодатный, / великомучениче преславный // и чудотворче Всемиловитый.

Кондак 6.

Проповедати излишне бе, Пантолеоне отроче, отцу Евсторгию после чуда прозрения, при нем самом случившагося, и убеждати паки в вере во Христа, Небеснаго Его Отца и Духа Святаго, Бога Единого в Троиц Лицах, Имже и сам сей уже воспе по своем Крещении:

Аллилуиа.

Икос 6.

Возсиял еси, Пантолеоне отроче, с двадесятию тысящами в церкви сожженных и священномучениками Анфимом, Ермолаем, Ермиппом и Ермократом, во граде твоём Никомидии наипаче пострадав великомученически, да в Господа распята и воскресшаго радость с ними внидеши:

Радуйся, свидетелю Благости Сына Божия воплотившагося; радуйся, непобедимый воине духа, Духа Святаго исполненный. Радуйся, образчики видевший в прославивших Христа в Никомидии; радуйся, добре ведавший о собранном в главном ея храме на молитву и в жертву всеожжения принесенном христиан славном сонме. Радуйся, из Рая благословляемый тогда же умученными за Христа епископом Анфимом и диаконом его Феофилом; радуйся, пресвитера Ермолая всецветущая Отрасле. Радуйся, поддерживаемый в испо-

ведничестве его явлениями; радуйся, яко житие твое указывает, посещаемый в мучениях в образе его Самим Господом. Радуйся, яко победу над язычеством испросил еси у Троицы Бога для всех христиан Вифинии; радуйся, христианин Великий всея Малыя Азии, от солнца востока именуемая Анатолиею. Радуйся, с за день до тебя усеченным священником Ермолаем; радуйся, с ним убиенныма за Подвигоположника Спасителя отцами Ермиппом и Ермократом Всеславныма.

Радуйся, целебниче благодатный,/ великомучениче преславный// и чудотворче Всемиловитый.

Кондак 7.

Хотя безмездно лечити нуждающихся в сем, Именем Иисуса Христа болезней всех свободдал еси, Пантолеоне отроче, не мзды за исцеления, а веры в Бога Истиннаго с пением искренним

Небесному их Врачу приношения от врачуемых
взыскупя:

Аллилуиа.

Икос 7.

Новаго имени Пантелеимон по гласу, свыше
низшедшему из Божиих уст пред усечением твоим
во главу сподобишися, Пантолеоне отроче, слу-
жение твое за гробом грядущее предуказующаго
на земли живущим, да радуются избавленные бо-
лезней и мук, радуйся тебе приносяще:

Радуйся, анаргирос, сиречь безсребренниче;
радуйся, злато презревший врачу безмездный. Ра-
дуйся, и медных монет приятия избегавший; ра-
дуйся, и иныя даяния не бравший. Радуйся, по
кончине Евсторгия имение свое раздававший; ра-
дуйся, неимущих и нищих одевший и напитав-
ший. Радуйся, христиан, за Господа Максимианом
в темницах томимых, посещавший, утешавший и

врачевавший; радуйся, страха не убоявшийся за них пострадати и самому заточенным быти. Радуйся, моливший Христа преоружити тя, да в злоключениях не посрамишия; радуйся, ответ пришедший: «Не бойся, се Аз с тобою!» Радуйся, преданный на мучения за преданность Богу; радуйся, Сердцеведцем и Судиею Вышним умилоствивленный новым именем.

Радуйся, целебниче благодатный,/ великомучениче преславный// и чудотворче Всемиловитый.

Кондак 8.

Станным для язычников врачеванием, Пантолеоне отроче, помощью Божественною благодатною исцелял еси всякия недуги и язвы, самую смерть прогонял еси и прекращал умирание, не точию телам обновление даруя, но и болеющим душам о сем поющих:

Аллилуиа.

Икос 8.

Всяческая подвластна тебе бесами одержимость, ставший Пантелеимоном Пантолеоне отроче, и всякая болезнь прилучившаяся, аще с прошением об избавлении от сих к тебе прибегаем, и тобою же исправляются с нами случающаяся преткания, прими же радуйся наше:

Радуйся, исцелителю телесный и душевный; радуйся, врачевателю сведущий и духовный. Радуйся, безумных вразумителю умный; радуйся, бесами одержимых свободящий терзания ими. Радуйся, до мученичества твоего пособлявший изнемогающим от безсилия и скудости; радуйся, и в великих твоих мучениях другим вспомоществовавший. Радуйся, не гибнущим телом силу Божию явивший; радуйся, Господом воскрешавшийся и спасавшийся изрядно. Радуйся, гласом Небесным

свидетельствуемый яко Его сотрудник; радуйся, пред смертию сохраненный от преждевременныя смерти. Радуйся, главу преклонивший под меч свободно мужественною волею; радуйся, абие прославленный чудесами и исцелениями от тела твоего и маслины, освятившиися тобою.

Радуйся, целебниче благодатный,/ великомучениче преславный// и чудотворче Всемиловый.

Кондак 9.

Всякое из сотворенных Богом тобою, Пантолеоне отроче, яко песок морской чудес неизчислимых, ко славе Творца всего и благ всех Подателя обращается. Се бо Приявшему для спасения нашего зрак раба Христу подражал еси, и яко Пантелеимон служиши Ему воспевая:

Аллилуиа.

Икос 9.

Ветийства богоугодного сподобяся дарования, златословесием украшаяся, гонителю Максимиану царю противостал еси, Пантолеоне отроче, егда врачами, тобою больных лишенными, яко христианин выдан был еси из зависти. И радуйся о сем слышиши:

Радуйся, в беду впадших сторону принимавший; радуйся, не наживавшийся, а ущедривший. Радуйся, не мысливший врачей обижати; радуйся, больных разорение упреждавший. Радуйся, чуждавшийся корысти и лихвы; радуйся, слово о сем Иисусово твердо соблюдавший. Радуйся, без лекарств помогавший; радуйся, моляся Христу Богу, туне врачевавший. Радуйся, по заповеди Его временныя и вечныя пользы другим искавший; радуйся, к телесному и душевному проку и толку духовный прибавлявший. Радуйся, Бога Истинна

подобаяюще чтущий; радуйся, истины, заповеданные Им, рачительно воплощавший.

Радуйся, целебниче благодатный,/ великомучениче преславный// и чудотворче Всемиловитый.

Кондак 10.

Спасти хотя сограждан твоих никомидиан, Пантолеоне отроче, и царя самага, христиан гонителя, идолов отвратитися и прийти в разум Истины располагая, разслабленнаго недвижимаго исцелил еси увещая: «Во Имя Господа Иисуса Христа востани и здрав буди», – и быша, да поет за чудо над ним убиваемый:

Аллилуиа.

Икос 10.

Стеною ограждения тебе бысть Христос, Егоже Именем исцелял и в веру обращал еси, Пантолеоне отроче, многих, и от строгания крюками,

сожжения свещами, мучилищного колеса, в олово кипящее бросания, в море утопления и на позорище растерзания зверями спасе тя утешая:

Радуйся, неверным противоставший твердостью веры; радуйся, любящий Бога и ищущий всем спасения. Радуйся, уверявший злых и заблудших; радуйся, предлагавший им самое наилучшее. Радуйся, Господу служащий глаголением и деланием; радуйся, прибавлявший Церкви чад верных. Радуйся, кротостию одолевший хищников ярость; радуйся, благодатию покровенный, остужающею расплавленное олово. Радуйся, телом обновленный силою Христовою вместо крюками содранного; радуйся, духом просвещенный Светом Нетварным Бога, тебе являвагося. Радуйся, обжигаемый и не запеченный; радуйся, повелением Господним из моря на брег по волнам пришедший с привязанным к тебе уже легким ка-

МЕНЕМ.

Радуйся, целебниче благодатный,/ великому-
чениче преславный// и чудотворче Всемилости-
вый.

Кондак 11

Пение благодарения за смерти от лютых муче-
ний избавление, чудо яко воск безвреднаго о выю
твою, Господу еще молящагося, согбения меча
железнаго, и за мирное твое усечение, по твоему
настоянию воинами, сим устрашенными, соделы-
ваемое, Пантолеоне отроче, Пантелеимоне, Богу
возносил еси:

Аллилуиа.

Икос 11.

Светосиянию божественному подобное главы
твоя с рамен на землю низхождение знамениями
благодатными сопровождаешся с кровию млека
излияния, маслины, сими орошенные, дивнаго

процветения и олив необычайного плодоношения, Пантолеоне отроче, Пантелеимоне, излечивающих взывающих тебе:

Радуйся, на древе висящий и стружимый, но не умерший; радуйся, опаляемый, но не сожженный. Радуйся, в олове варенный, но неврежденный; радуйся, на колесе растянутый, но уз отрешенный и целый. Радуйся, не когти и зубы, плоть рвущия, а ласкания и у ног возлегание убивцев четвероногих изведавший; радуйся, совести пробудивший язычников, и славословити Бога, творящаго чудеса толика, научивший. Радуйся, яко пролили суть кровь свою таковыя и ею окрестилися; радуйся, яко заколоты быша за агнцев беззлобие прославившия Создателя своего животныя дикия. Радуйся, приявший кончину Крестителя и Предтечи Спасова Иоанна главы отсечением; радуйся, и апостолу Первоверховному Павлу уподобившийся

темже. Радуйся, руки твоя яко слугами целования
воинами сподобившийся, за послушание тя каз-
нившими; радуйся, преизобильно плоды цели-
тельныя по смерти твоей произрастивший.

Радуйся, целебниче благодатный,/ великому-
чениче преславный// и чудотворче Всемилости-
вый.

Кондак 12.

Благодати Христовы всещедрыя неизсякаемым
являешися кладезем, Пантолеоне отроче и целите-
лю Пантелеимоне, яко Евангельский добрый и
верный рабе, имение Господина приумноживший,
по дару Господа большее сего приявший и в ра-
дость Его возшедший пети:

Аллилуиа.

Икос 12.

Поюще Богу хвалы о помощи в скорбех, бо-
лезней исцелении и страстей свободнении, духом

своим веселимся всегда, яко Духа Святаго благодатию утешаемся ради твоих, ставший Пантелеимоном Пантолеоне отроче, духа, души и тела болезни, недуги и немощи молитв врачующих, и тебе поем:

Радуйся, Церкви Христовы украшение; радуйся, святой ея знаменитый. Радуйся, молитвенниче Богу угодный; радуйся, Ходатаю ко Господу действительный. Радуйся, Человече Божий; радуйся, Вседержителя всеблагий Посланниче. Радуйся, Спасителя нашего Друже; радуйся, подаваемою Им Божественною силою чудотворящий. Радуйся, усердствующий Богу, Иже Любовь есть, послужи-ти; радуйся, любви Его ради души и тела раны заживляющий. Радуйся, унывающих ободряющий; радуйся, отчаяющихся спасающий.

Радуйся, целебниче благодатный, / великомучениче преславный // и чудотворче Всемилости-

ВЫЙ.

Кондак 13.

О, Пантолеоном для льву уподобления нареченный от рождения и в Крещении, при главы усечении и в Рай вхождении Пантелеимоном названный гласом Божиим целебниче благодатный, великомучениче преславный и чудотворче Всемиловитый, поем о тебе такожде тройствен-но:

Аллилуиа, аллилуиа, аллилуиа.

Сей кондак глаголется трижды. И паки читаем:

Икос 1.

Ангелов Божиих чин и человеков святых собор Еввулы, матери твоея праведныя приявши моления, да по преставлении ея крещен и спасен будеши, Пантолеоне отроче, Господу возносили суть с радостию, свои молитвы прилагающе, да во веки возрадуешися:

Радуйся, матери христианки и отца язычника
плоде богодарованный; радуйся, единый их сыне,
иными не превзойденный. Радуйся, родителем
твоим любящим послушливый; радуйся, дев-
ственно чистый и целомудренный. Радуйся, мате-
рию твоею назидаемый при ея жизни; радуйся, и
по успении ея раннем в Раю вымоленный. Радуй-
ся, сего ради Небу ближний; радуйся, земли род-
ная твоя благословение. Радуйся, родительницу
не забывавший; радуйся, родителя почитавший.
Радуйся, поведением безупречный; радуйся, отли-
чавшийся благонаравием.

Радуйся, целебниче благодатный,/ великому-
чениче преславный// и чудотворче Всемилости-
вый.

Кондак 1.

Избранный язычниками отцем твоим, врачом
придворным и царем,/ искусно лечити болезную-

щих, Пантолеоне отроче,/ Избранником Врача
врачей Господа/ чрез Ермолая, Его пресвитера,/
Пантелеимоном, безмездным целителем,/ стал еси
такожде, и слышиши:/

Радуйся, целебниче благодатный,/ великому-
чениче преславный// и чудотворче Всемилости-
вый.

Молитва первая.

О, Божий угодниче и служителю вечно юный
Пантелеимоне, яко в юности в Него уверовавший,
подвигом врача безмезднаго духовнаго потру-
дившийся и во Христа уверением многих чудес-
ными исцелениями и воскрешениями прославив-
шийся, юным веру нашу, едину Правую и Истин-
ную, пред мучителем Максимианом и всею род-
ною тебе Никомидиею безстрашно исповедовав-
ший, юным претерпевавший мучений множество
и все их препобедивший благодатию Христовою в

общее верных христиан и неверных идолопоклонников явное и неоспоримое свидетельство Бога Троицы Святыя Отца, и Сына, и Духа Святаго Бытия и Промышления всем во спасение. И саму кончину твою главы усекновением воинами, чудом лезвия меча яко воск умягчения во время молитвы твоея Творцу Господу преждевременаго дерзкаго по вые твоей ударения устрашенными, вытребовавший с решительным смирением ради с Христом Богом в Раю вселения для вечнаго общения и служения. Гласом Божественным Всемиловитвым наименованный и по казни твоей крови и мира яко млека изливанием и древа масличнаго оливы мгновенным процветением и плодоношением во исцеления страждущих прославленный. Тело и главу твои яко сокровища многоценныя нам оставивший, неопалимыми пребывшия и в огне язычников не сгоревшия, мощами нетленны-

ми многоцелебными ставшия и слугами твоими верными Лаврентием, Вассоем и Провианом с иными христианами на земле схоласта Адамантия упокоенныя до всем полезнаго скоро случившагося обретения для достойнаго пред ними на Востоке Христианском и Западе тебе поклонения. Отравленнаго угрызением ехидновым и иных умерших воскрешавший, расслабленных в дела-ние воздвигавший, слепых зрящими, глухих слышащими, немых глаголющими, хромым ходящими, руками не владеющих владеющими, утробою мучимых здоровыми, сердцем больными и слабыми излеченными и сильными, легкими страдающих не страдающими и свободно вдыхающими и выдыхающими, опухолями измождаемых сих избавленными, с кожею изъязвленною, гноящеюся и острупленною очищенными, ума лишившихся осмысленными, беснующихся не беснующимися и

прочая многая соделавший и делающий, Врачу Божий, и нас избави напастей сих твоими Богу приятными молитвами. Да и мы яко те исцеленныя верою укрепляемся и веры делами подвизаемся, хваляще и благодаряще благ сих Подателя, тебе наставляющаго и преоружающаго по велицей Своей Милости, Бога твоего и нашего, святой Всемилоостивый. **Аминь.**

Молитва вторая.

О, чудотворче преславный и Врачу Всемилоостивый и благодатный, всех и вся исцелити могущий, многия недугующия скоро и безмездно излечивший, и за сие о Господе почитаемый, славимый и хвалимый, Пантелеимоне преблаженный! Призри и на мя, (имена), во многия прегрешения впадшия и Господа и Спасителя нашего Иисуса страстьми и падении многими преогорчившия. «Многи скорби праведным и от всех их избавит я

Господь», – рече Пророк Давид. И ты, святой Божий Отроче, матери твоея святыя Еввулы издетска лишившийся, пресвитером богоносным Ермолаем во святом Крещении вторицею был еси рожден, и безмездным врачеванием призыванием имени Врача душ и телес наших, нас ради воплотившагося, распявшагося и воскресшаго Сына Божия, многия к вере истинней обратил еси, и многия за сие претерпев гонителей жестокости, венцем мученическим приукрашен возшел еси ко Господу славы. Моли за мя, (имена) и сродников наших в Троице Святей славимаго Бога нашего и пред Пречистою Девкою Богородицею о прощении, исцелении, очищении, освящении и спасении нашем ходатайствуй, да веру нашу, колеблемую и слабую, преумножат, и демонскаго насилия во временней сей земной жизни и в жизни нескончаемей века будущаго молитвами твоими мене, (имена)

со всеми сродники нашими свободят. **Аминь.**

Молитва третья.

Святой великомучениче и целителю Пантелеимоне, пред иконою твоею святою и мощей твоих цельбоподательных частию молюся ти тепле: язв моих греховных не возгнушайся, призри на многими болезнями исцельными и неисцелимыми внутрь мене и (имена) по телу моему и их совне обдержимыя, и купно с прощением грехов наших, у Господа испрошенным, душу и тело (имя) многоболезненнаго (многоболезненныя) всецело, спасительно и безмездно исцели. **Аминь.**

Тропарь святого Пантелеимона, глас 3.

Стратотерпче святой и целебниче Пантелеимоне, / моли Милостиваго Бога, / да прегрешений всех оставление, / недугов, болезней и немощей исцеление // тобою, Врачу благодатный, подаст нам.

Тропарь дополненный, глас той же.

Страстотерпче святыи и целебниче Пантелеимоне,/ моли Милостиваго Бога,/ да прегрешений всех оставление,/ недугов, болезней и немощей исцеление,/ безумия врачевание, беснования избавление,/ от смерти к животу воскресение// тобою, Врачу благодатный, подаст нам.

Кондак, глас 8.

Избранный язычниками отцем твоим, врачом придворным и царем,/ искусно лечити болезнующих, Пантолеоне отроче,/ Избранником Врача врачей Господа/ чрез Ермолая, Его пресвитера,/ Пантелеимоном, безмездным целителем,/ стал еси такожде, и слышиши:/

Радуйся, целебниче благодатный,/ великомучениче преславный// и чудотворче Всемиловитый.

